

Վազգէն Ա. Հաստատ կը Մնայ

ԹՈՐՈՆԹՈՅԻ ԵԿԵՂԵՑԱԿԱՆ ՏԱԳՆԱՊԻ ԿԱՊԱԿՑՈՒԹԵԱՄԲ ԱՌՆՈՒԱԾ ՈՐՈՇՈՒՄՆԵՐՈՒՆ ՎՐԱՅ

ՅԼԱՇԻՆԿ, Ն.Ե.- Ամենայն Հայոց Կաթողիկոս, Ն.Ս.Օ.Տ.Տ. Վազգէն Ա. Վեհափառ Հայրապետը հաստատ կը մնայ Թորոնթոյի եկեղեցական տաղանայի եւ քանատական նոր թեմ մը ստեղծելու կապակցութեամբ Մայր Աթոռի Գերագոյն Հոգեւոր Խորհուրդի կողմէ առնուած որոշումներուն վրայ:

Վեհափառը, այնպէս որչափ կը մնայ այս որոշումներու գործադրութեան կապակցութեամբ՝ հակառակ կատարուած դիմումներուն եւ խնդրանքներուն:

Գերշ. Տ. Թորգոմ Ա. Արք. Մանուկեան, Առաջնորդը Ամերիկայի Արեւելեան Թեմին, նախ քան Վեհափառ Հայրապետին Փարիզէն մեկնումը, Թեմական Խորհուրդի ատենապետ դատարար ձան Նաճարեանի եւ Թեմական Խորհուրդի անդամ Հոգշ. Տ. Փառէն Վրդ. Աւետիքեանի ընկերակցութեամբ, Փարիզ մեկնած էր Վեհափառ Հայրապետին հետ Թորոնթոյի հարցին շուրջ խորհրդակցելու եւ խնդրելու անկէ որ առաջին առիթով Գերշ. Տ. Արիս Ս. Շիրվանեանը հեռացնէ Թորոնթո-

յէն՝ այդ քաղաքին մէջ «օրինականութիւնը» վերահաստատելու եւ երկրորդ՝ ջնջէ 6 ամսուան այն պայմանաժամը, զոր Գերագոյն Հոգեւոր Խորհուրդը դրած էր Քանատայի մէջ նոր թեմ մը հաստատելու կապակցութեամբ: Ինչպէս ծանօթ է, Մայր Աթոռի Գերագոյն Հոգեւոր Խորհուրդը Մարտ ամսուան վերջերք, Գեր. Արիս Սրբազանի գլխաւորած երեք հոգինոց պատուիրակութեան ներկայացուցած էր պաշտօնական գիր մը, որուն մէջ յստակ կերպով կը նկարագրէր այն քայլերը, որոնք պէտք է առնուէին Քանատայի մէջ նոր

Շարունակելի էջ 13

Վազգէն Ա. Հաստատ կը Մնայ

ԹՈՐՈՆԹՈՅԻ ԵԿԵՂԵՑԱԿԱՆ ՏԱԳՆԱՊԻ ԿԱՊԱԿՑՈՒԹԵԱՄԲ ԱՌՆՈՒԱԾ ՈՐՈՇՈՒՄՆԵՐՈՒՆ ՎՐԱՅ

Շարունակուած էջ 1-էն

թեմ մը ստեղծելու համար: Պաշտօնական այդ գիրը կը շեշտէր թէ ամենաուշը մինչեւ 6 ամիս Քանատան նոր թեմ մը պիտի դառնար եւ Մայր Աթոռը պիտի չհանդուրժէր որ նորանոր ձգձգումներ ըլլային Ամերիկահայոց Առաջնորդարանի կողմէ: Կաւելցուէր նաեւ որ մինչեւ 6 ամիս հարցերը դասաւորուած պիտի ըլլային այնպիսի ձեւով որ Հայրապետական յատուկ կոնդակով Քանատան նոր թեմ պիտի հռչակուէր:

Նախ քան Թորգոմ Սրբազանի գլխաւորած պատուիրակութեան Փարիզ այցելութիւնը, քանատահայ չորս ուրիշ անձնաւորութիւններ, բոլորն ալ պաշտպանող Նիւ Եորքի Առաջնորդարանի գիրքը Թորոնթոյի հարցին կապակցութեամբ, այցելած էին Փարիզ զարձեայ Արիս Սրբազանի ու անոր կողմնակիցներուն դէմ Վեհափառ Հայրապետին խնդրանք ներկայացնելու համար:

Արիս Սրբազանի համախոհները ընդհանրապէս այն համոզումը ունին որ Նիւ Եորքի Առաջնորդարանը պիտի չարունակէ ամէն գնով ձգձգել Քանատայի մէջ նոր թեմ մը ստեղծելու որոշումը այն վախով որ նոր թեմի

անմիջական ստեղծումով Արիս Սրբազանը շատ դիւրութեամբ կրնայ Առաջնորդ ընտրուիլ քանի որ ան կը վայելէ մեծ ժողովրդականութիւն եւ ձեւով մը Վեհափառին համար յարմարագոյն կղերականն է այդ պաշտօնին համար: Յետոյ համախոհները զարձեայ կը շեշտեն որ Թորոնթոյի հարցը այժմ վերածուած է Առաջնորդ Սրբազան Հօր եւ Արիս Սրբազանի միջեւ անհատական վէճի մը: Նոյն անձերը կ'առարկեն նաեւ որ Առաջնորդարանը, հակառակ Մայր Աթոռի հրահանգին, տակաւին ոչ մէկ քայլ առած է Ս. Խաչ անկախ եկեղեցին առնելու իր հովանաւորութեան ներքեւ ու նշանակելու հովիւ մը՝ այդ եկեղեցիին:

Արիս Սրբազան, մինչ այդ, հրաւիրուած է Մայր Աթոռ Ս. Էջմիածին եւ կը սպասուի որ անմիջապէս որ կարգի դնէ իր անձնական գործերը, մեկնի:

* Անոնք կը յայտնեն թէ Արիս Սրբազանի ընտրութեան հաւանականութիւնը կը նուազի երբ նոր ընտրութիւնները տեղի ունենան յապաղումով եւ երբ Սրբազանը արդէն հեռացած ըլլայ Թորոնթոյէն: